

0329. 017

**AWIG-AWIG DESA ADAT
U M B A L A N**



KEMEDALANG OLIH :

KRAMA DESA ADAT UMBALAN

DESA YANGAPI

KECAMATAN TEMBUKU

KABUPATEN DAERAH TINGKAT II BANGLI

WARSA 1993

PIDAGING

MAKA BANTANG AWIG-AWIG DESA ADAT UMBALAN

MURDA CITTA	WIDANG
SARGA I ARAN LAN WEWIDANGAN DESA	1
SARGA II PETITIS LAN PAMIKUKUH	1
SARGA III SUKERTA TATA PAKRAMAN	2
Palet 1 Indik Krama	2
Palet 2 Prajuru	4
Palet 3 Indik Kulkul	6
Palet 4 Indik Paruman	7
Palet 5 Indik Druwen Desa	9
Palet 6 Sukerta Pamitegep	10
Kaping 1 Karang , Tegal lan Carik	10
Kaping 2 Pepayonan	11
Kaping 3 Wewangunan	11
Kaping 4 Wewalungan	12
Kaping 5 Bhaya	13
Kaping 6 Penyanggran Desa	14
Kaping 7 Indik Pariwertu	14
SARGA IV SUKERTA TATA AGAMA	15
Palet 1 Indik Dewa Yadnya	15
Palet 2 Rsi Yadnya	19
Palet 3 Pitra Yadnya	19
Palet 4 Manusa Yadnya	24
Palet 5 Bhuta Yadnya	25

SARGA V

SARGA	V	SUKERTA TATA PAWONGAN	27
		Palet 1 Indik Pawiwahan	27
		Palet 2 Indik Nyapian	29
		Palet 3 Indik Sentana	31
		Palet 4 Indik Warisan	33
SARGA	VI	WICARA LAN PAMIDANDA	35
		Palet 1 Indik Wicara	35
		Palet 2 Indik Pamidanda	36
		Palet 3 Indik Rerempagan	37
SARGA	VII	NGUWAH-NGUWUHIN AWIG-AWIG	37
SARGA	VIII	P E M U P U T	39

MURDHA - CITTA

Om Awignamastu nama sidham,

Putusing Paseban Krama Desa Adat Umbalan gumawe
Awig - Awig Desa Pekraman maka sepat siku - siku pameneh, wastu
kasidan Prayojanan Mami kabeh presama angidepaken muah
amanggehaken kadi lingging Awig - Awig iki.

Desa Adat wantah marupa pasayuban, Krama Desa rauhing kula
warga pawongannya, manut dresta Desa kemanggehang Bhuana Agung,
pawongannya soang - soang pinaka Bhuana Alit, kalih malarapan
canta Jagathita, sinanggeh murdhaning prayojana pangriptaning
Awig - Awig.

SARGA I

ARAN LAN WEWIDANGAN DESA

Pawos 1

- (1) Desa Adat puniki mewasta Desa Adat Umbalan .
- (2) Jebar Kakuwub wewidangannya mewates nyatur :
 - a. Sisih Wetan Tukad Buah ;
 - b. Sisih Kulon Tukad Barong ;
 - c. Sisih Lor Desa Adat Sangkanaji ;
 - d. Sisih Kidul Desa Adat Yangapi.
- (3) Desa puniki kawangun antuk karang, carik miwah Tegal ayahan
Desa, turmaning tunggil dados abanjar.

SARGA II

PETITIS LAN PAMIKUKUH

Pawos 2

Desa Adat Umbalan ngemanggehang Pamikukuh minakadi :

- a. Pancasila

- a. Pancasila ;
- b. Undang - Undang Dasar 1945 ;
- c. Tri Hita Karana manut sada cara Agama Hindu.

Pawos 3

Luir patitis Desa Adat Umbalan :

- a. Mikukuhang miwah ngerajegang sang Hyang Agama ;
- b. Nginggilang tata prawertine meagama ;
- c. Ngerajegang pasukerten Desa saha pawongannya sekala kelawan niskala ;
- d. Mikukuhin Awig - Awig, pararem lan pasuara.

SARGA III

SUKERTA TATA PEKRAMAN

Palet 1

Indik Krama

Pawos 4

- (1) Sehanan sang jenek mapaumahan ring Desa Adat Umbalan sane meagama Hindu tur nyungkemin Kahyangan Tiga sinanggeh Warga Desa Adat Umbalan.
- (2) Sejaba punika sinanggeh tamiu.

Pawos 5

Krama Desa wenten 5 (limang) Pawos lwire :

- a. Krama ngarep, Kulawarga sane ngamong karang, Tegal lan Carik Ayah Desa ;
- b. Krama Batan paha Kulawarga sane ngamong karang kemawon, carik, utawi tegal Ayah Desa ;
- c. Krama Tapukan Kulawarga manut aksara a lan b ring ajeng sakewanten durung antes ngayah ;
- d. Krama Bala Angkep, Kulawarga sane tanpa karang miwah tegal sakewanten sampun mawiwaha ;
- e. Sekaa

- e. Sekaa Teruna Kulawarga sane ngawit mayuea 13 (telulas) warsa ngantos dereng mawiwaha.

Pawos 6

Ngawit dados Krama Desa :

- a. Sangkaning ngamong Karang, miwah togal utawi Carik Ayah Desa;
- b. Sangkaning nyepih Karang, carik utawi togal Ayahan Desa ;
- c. mawiwit pawiwahan ;
- d. Sangkaning pinunas ngeraga utawi sangkaning jenek mapaumahan tampek wewidangan Desa Adat Umbalan saha kacumponin olih Krama miwah Prajuru kangkat ngeranjing mekrama Desa.

Pawos 7

Panemayan tedun mekrama Desa :

- a. Nyabran Purnama Sasih Kasa mejalaran antuk tatengeran sadereng arep ring Krama ;
- b. Ngantos 6 (enem) sasih mawiwit Pawiwahan.

Pawos 8

Sehanan Krama Desa keni tetegenan (ayah - ayahan) luwire :

- a. Ayah nyumek mapiteges urunan miwah ayahan mamungkul sakeng Krama ngarep ;
- b. Ayah batan paha keni urunan separo sakeng Krama ngarep ;
- c. Ayah Bala Angkep keni Ayah miwah urunan manut perarem ;
- d. Ayah tapukan keni urunan mamungkul prade krama ngarep utawi separo prade krama batan paha sakewanten kaluputang saking ayah - ayah ;
- e. Sekaa Teruna keni patedunan manut pinunas Krama Desa;
- e. Prade rikalaning ngayah wenten sinalih tunggil Krama matilar Sadereng puput karya, wenang Krama iucap keni pamidanda tajak laler kewastanin.

Pawos 9

Pawos 9

Krama Desa kedadosang :

- a. Mapoangkid utawi tan tedun, rikala nandur (mamilih pantun) meyadnya manut pangelokika, matepetin, mapswangunan (ritatkala ngeraabin utawi naserin) miwah keluasan masenger 3 (tigang) rahina sejawaning wenten kebebasan Prajuru, lan tios - tiosan manut perarem ;
- b. Nyada ; nyerahang ayah mawit sampun mayusa 65 (enem dasa lima) warsa sejawaning wenten parindik tios manut perarem ;
- c. Luput petedunan kengin sangkaning dados sadaka pemangku Desa, pemangku Kahyangan Tiga, sane cedangga banget tur tan madruwe roban sane patut nedunin anak alit ubuh ngantos munggah deha teruna, lan sane tiosan manut perarem ;
- d. Nekel utawi ngelaga ; nutug ayah antuk berana manut paetangan Desa sangkaning kajudi antuk sang mawang rat utawi jenek ring dura Desa ngerereh pekaryan.

Pawos 10

Wusan dados Krama Desa luwire :

- a. Sangkaning :
 1. Pinunas ngeraga menawi kesah kedura Desa utawi ngelangkungin segara ;
 2. Kenorayang dwaning sampun tan prasida ngesehin solah maprawerti setate nguwug kecaping Awig - Awig ;
 3. Seda utawi ceput.
- b. Sang wusan mekrama :
 1. Patut ngaturang ayahnya ke Desa ;
 2. Tan polih pah - pahan sankaning padruwen Desa.

Palet 2

Indik Prajuru

Pawos 11

Pawos 11

- (1) Desa Adat Umbalan kaenter antuk Bendesa Adat.
- (2) Bendesa Adat patut :
 - a. mawiwit sakeng Krama ngarep ;
 - b. Keadegang melarapan antuk paruman soang - soang nyabran 5 (limang) warsa, sejawaning wenten parindik tios kangkat kapilih malih ;
 - c. Patut nincapang kaweruhan ring sulur Agama lan Adat, turmaning tan ceda angga, ceda budi lan sepenunggalannya saha tan kapialang antuk Uger - Uger Panegara ;
 - d. Maduluran Dewa Saksi ring Pura Bale Agung.

Pawos 12

- (1) Bendesa Adat kesanggra antuk :
 - a. Pangliman utawi petajuh pinaka wakilnya ;
 - b. Penyarikan pinaka juru surat ;
 - c. Petengen pinaka pengamong druwen Desa ;
 - d. Kesinoman pinaka juru arah.
- (2) Kesinoman akeh nia manut kawigunan saha magilir nyabran ngesasih.
- (3) Sajeroning ngenterang niskala Bendesa Adat mingsinggihang Pemangku Kahyangan Desa.

Pawos 13

- (1) Swadharmaning Bendesa Adat Luwire :
 - a. Ngenterang pengelaksanaan sedaging Awig - Awig miwah perarem Desa ;
 - b. Nuntun tur ngenterang Krama rauhing Warga Desa ngupadi anut petitis ;
 - c. Mawosin kalih niwakang pamutus arep ring wicara warga Desa ;

d. Maka

- d. Maka duta matemuang bawos ring sapa sira ugi.
- (2) Prade Prajuru iwang pengelaksana keni pamidanda nikel ring kaiwangan soang - soang Krama saha kangkat keraryanang manut perarem.

Pawos 14

Petias utawi Olih - olihan Prajuru Desa Luwire :

- a. Luput rerampen ;
- b. Polih tading tengah ;
- c. Petias sewosan manut perarem.

Pawos 15

(1) Prajuru Desa kagentosin riantukan :

- a. Seda ;
- b. Tutug panemaya ;
- c. Wit sakeng pikayun rahayu utawi pinunas ngeraga ;
- d. Kanorayang dwaning iwang pemargi utawi nilar sesana.

Palet 3

Indik Kulkul

Pawos 16

(1) Kulkul ring Desa Luwire :

- a. Kulkul Desa ;
- b. Kulkul Banjar utawi Bala Angkep ;
- c. Kulkul sekaa - sekaa.

(2) Tabuh

(2) Tabuh tatepakan Kulkul Desa :

- a. Kalih Tuludan lambat ,tengeran todun ngayah utawi parum ;
- b. Atuludan Bulus , tengeran kapanca bhaya ;
- c. Kalih Tuluan Bulus tengeran ngerorod (nganten) ;
- d. Kulkul kelayu sekaran (putus beda) ; atuludan lambat tengeran mitahuang, atuludan lambat selanturnya nedunang Desa utawi Banjar ;
- e. Limang kelentungan lambat tenggeran petedunan wangde.

Pawos 17

- (1) Kulkul Desa tan wenang katepak yening tan sangkaning pituduh Prajuru, sejawaning tenggeran kapanca bhaya.
- (2) Sang nepak tan sangkaning pituduh patut digelis atur supeksa maka buatan panepake, yan tan mangkana wenang sang mamurug kedanda manut perarem.
- (3) Suaran Kulkul,tenggeran kapanca bhaya patut ketedunin antuk Krama Desa saha makta gegawan anut bhaya.
- (4) Kulkul sekaa - sekaa semaliha kulkul pondokan - pondokan tan kalugra nyawerin (matehin) sukat utawi tenggeran kulkul Desa prade mamurug wenang kedanda manut perarem.

Palet 4

Indik Paruman

Pawos 12

(1) Paruman utawi songkepan ring Desa Adat Umbalan wenten :

a. Paruman Desa Kawentenang :

1. Nyabran ngesasih majalaran arah - arah ngangken Tilem saha matenggeran kulkul ;
2. Napkala (Padgata kala) maka jalaran arah - arah saha matenggeran kulkul manut tetujon ;

b. Paruman

- b. Paruman Prajuru Desa, kawentenang manut wiguna;
 - c. Paruman Sekaa - sekaa manut mabuat.
- (2) Paruman Desa madudonan sekadi ring sor
- a. Prasida lumaksana risampun ketedunin antuk sang patut ngamiletin saha sampun terem, keriyinin antuk tenggeran kulkul miwah mabusana nyalempot, medestar saha tan kalugra makta gegawan sakaluwire, tan maren ngarjana ring Ida Bhagawan Panyarikan, maka sarana widhiwidana cane;
 - b. Maka sarana janggi, pengawit kelaksanayang penyacak sepsep saha riwusannya nyacak, dadosan gung alit manut perarem;
 - c. Tan kalugra ngewetuaken suara goro utawi byuta, yan hana mangkana, keni pamidanda pecamil kadi dandaning nguman - uman ring sabha;
 - d. Pamutus bebawas beriuik sepanggul (ingkup) punika kemanggehang, prade tan prasida suara makehan pinaka pamutus.
- (3) Prade pidaging paruman tan kaingkupin mangda Prajuru Desa ngilikang bebawas, saha putusannya mangda keraremin antuk Krama Desa bilih tan prasida kasungkemin jantos ping tiga Prajuru wenang nunas bawas ring sang ngawe wenang.

Pawos 19

- (1) Sajeroning paruman Desa, Bendesa Adat patut nyiarang pemargin ngenterang Desa, pamekas nganinin indik :
 - a. Munjuk lungsuring pekraman saha ayah - ayah sulur artha berana druwen Desa;
 - b. Rencana Prajuru nganinin usaha Desa kapungkur.
- (2) Pamutus Paruman Desa sinanggeh perarem maka pamitegep penglaksanaan Awig - Awig.

Pawos 20

- (1) Sangkepan Prajuru utawi Dulun Desa kawenangang wantah ngerincikang pengerencana usaha Desa kapungkur.

(2) Sangkepan

- (2) Sangkepan Prajuru utawi Dulun Desa tan kawenang ngewedalang tetegenan ring krama sadereng keingkupin antuk krama Desa.
- (3) Pemutus sangkepan Prajuru utawu Dulun Desa ngewetuang pacuara, maka pidaging pituduh sang ngawewenang utawi ngonokang perarem krama Desa.

Palet 5

Indik Druwen Desa

Pawos 21

Padruwen Desa Adat Umbalan, sekadi ring sor :

- a. Wewangunan suci mekadi parhyangan utawi penyiwian - penyiwian Desa Adat jangkep saha sarana upacara bebaktiannya ;
- b. Wewangunan mekadi :
 1. Wantilan ;
 2. Balai Desa ;
- c. Tanah laba Pura (Tegal lan Carik) ;
- d. Tanah Desa (karang , carik lan Tegal ayah Desa) ;
- e. Setra apelebahan mekadi Setra Pengarep lan Setra Pakingsan ;
- f. Gong Barungan ;
- g. Ilen - Ilen Sekadi : Rejang Pendet ;
- h. Tios - tiosan sane pacang manggeh druwen desa.

Pawos 22

Olih - olihan Desa Adat Umbalan luwire :

- a. Olih - olihan saking pelaba Pura ;
- b. Urunan Krama Desa Adat ;
- c. Paica saking Guru Wisesa ;
- d. Paica - paica utawi usaha tiosan sane patut.

Pawos 23

Pawos 23

- (1) Prajuru Desa wenang ngetangang pamupon laba pura lan sepengunggalan druwe Desa.
- (2) Pikolih lan pamuponnya keanggen prabeya piodalan saha wewangunan ring pura miwah sane tlyosan.
- (3) Nyabran pesangkepan Desa, Prajuru pengamong druwe Desa ngawentenang parindik munjuk lungsurang padruwe ring Krama Desa.
- (4) Sakaluwiring druwen Desa patut wenten ilikitannya.
- (5) Tan Kalugra ngadel utawi ngosahang padruwenyan desa yan tan kasungkemin antuk krama desa.

Palet 6

Sukerta Pamitogep

Kaping 1

Karang, Carik lan Tegal

Pawos 24

- (1) Krama Desa pangemong Karang desa patut ngawatesin karang inucap antuk paggehan utawi tembok mangda pakantenannya aeri.
- (2) Wates sisi kaler miwah kangin patut kekaryanin antuk sang ngamong karang ayahan inucap sane mewasta magaleng keluwan, sejawaning tanah pecatu, tegal, carik, utawi tanah Padruweyan ngeraga sane kapiara watese sisi kelod miwah kauh, roh punika mewasta magaleng keteben.
- (3) Prade kearsayang pagahan/turus inucap ngelikadin, yan pada arsa penyandinge nganggen pinget kewanten kesaksi antuk Prajuru Desa utawi pracihna pal saking sang mawang rat.
- (4) Prade wenten karang kebebeng mangda keutsahayang wenten pemarginnya.

Pawos 25

- (1) Sinalih tunggil Krama Desa tan kalugra :

a. ngalah

- a. ngalah - alah margi, tegal ayahan, karang Desa lan sepenunggalannya;
 - b. ngalah - alah tanah, tegak kayangan, setra, lan sekancan tegak zinanggeh suci.
- (2) Prade wenten sekadi ring ajeng, sang ngalah - alah patut ngewaliang tanah inucap saha keni pamidanda sepatutnya, kadulurin upakara ring pengalah - alah tanah suci.

Kaping 2

P e p a y o n a n

Pawos 26

- (1) Ngawit nandur pepayonan tanem tuwuh patut adapa agung ngajeroang sakeng bates, prade jantos ngeliwat bates wenang kesepat gantungin.
- (2) Yening wenten tetanduran ngungkulin, semelika mewastu mayanin kepisaga patut kewara antuk paiguman ping ajeng prasida sang neruwenang wit ngerebah utawi notor.
- (3) Prade sampun kewara taler taan wenten usaha sang neruwenang, wit sang rumasa katetahan utawi kajerihan wenang mesadok ring Prajuru, tur risampun keparitatan kalugra ngicalang pepayonan inucap sakewanten patin pepayonan patut ketawur manut panglokika sane nepasin.
- (4) Sang keni pamidanda penyanggaskara saha prabea manut perarem arep ring wewangunan sang kerubuhan, luwire :
 - a. Sang neruwenang sang zinanggeh mayanin prade pungkut ngerubuhin wewangunan krama tios ;
 - b. Sang notor munggul utawi ngebah taru tur ngerubuhin Krama tios.
- (5) Krama Desa patut ngemanggehang kawerdian tanem tuwuh sane ngawinang desane zeri tur lestari.

Kaping 3

W e w a n g u n a n

Pawos 27

- (1) Nyabran ngewangun patut :
- a. Mesadok ring Prajuru , ping ajeng prade wewangunan nganinin bates ;
 - b. Ngangge asta bhumi miwah gegulak asta kosala - kosali sanistane manut ring petitis niskala ;
 - c. Tan nyayubin kapisaga.
- (2) Prade wewangunan jantos nyayubin bilih - bilih temboke ring telengin wates, risampun kewara tur kesadokang ring Prajuru, wenang kedanda manut perarem saha tembok inucap kegubar utawi sanistane mangda kekeryanang abangan.

Kaping 4

Wewalungan

- (1) Sahanan warga desa sane mamiara wewalungan (bawi risampun mabelas utawi bateng lan sewosan punika sampun mesaluk tali) , patut sayaga nitenin negul / ngelogor mangda tan ngerusakin karang utawi paabianan krama sewos, bilih - bilih jantos ngerajing ngeletehin Kahyangan.
- (2) Prade wenten wewalungan ngelumbar utawi ngeleb ngerusakin karang / paabianan krama sewos, risampun kewara kengin ketaban tur kedanda ngewaliang wit sane rusak saha naur penebas papiaraan tetabanan, manut pengelokika Prajuru Desa ;
- (3) Prade jantos ngeletehin tegak suci, minakadi pemerajan (sanggah kemulan) risampun keparitatas antuk prajuru , wenang sang uruwenseng kedanda mabuhu agung tebasan - tebasan prayascita darmanggala utawi panca sato iwak bebek belang kalung prade jantos ngeletehin Kahyangan Tiga utawi pura pemaksan.
- (4) Krama desa patut nyanggra wewaluangan miwah sarwa prani, tan kepatut ngemademang paksi miwah nuba ulam miwah sane siosan.

Kaping 5

K a p i n g 5

B h a y a

Pawos 29

- (1) Pari indik bhaya, luire : Jiwa bhaya, Artha Bhaya, dura cara ring Agama lan sane tiyosan .
- (2) Sang manggihin kehanan jiwa bhaya, patut nepak kulkul bulus mapitulung anut pawos 16 (2) aksara b.
- (3) Prade ring desa kehanan jiwa bhaya, patut desane ngaturang bhuta Yadnya tur sang mayanin katur ring sang ngawewenang.
- (4) Prade wenten jatma memisuh utawi nguman - nguman jatma tios, kekeninin pamidanda bea pecamil tebasan prayascita manut perarem.

Pawos 30

- (1) Sang manggihin kehanan artha bhaya (kemalingan), patut ngulkul mapitulung manut ring pawos 16 (2) aksara b, utawi sang kemalingan atur supeksa ring Prajuru desa sane pacang nimbangin utawi nuntun anut Uger-Uger Guru Wisesa saha mawuwuh penyanggaskara prade wenten jatma ngemaling barang sinanggeh suci.
- (2) Pratingkahe mapailon ring dusta kebawos saruron prade wenten jatma manggihin maling tan nyadokang ring Prajuru jantos jatma tios nyaduang patut kedanda kadi dandaning maling, sakweh pengangan wit manut cacakan Desa , tur prade jantos ping tiga melaksana sapunika wenang kasukserahang ring sang ngawewenang.
- (3) Prade wenten jatma ngerereh reramon, minakadi daun kelapa, ron, tanpa sadok ring sang nruwenang , prade kacunduk (ketara) patut kedanda kadi dandaning maling.
- (4) Yening wenten jatma ngerajing kepekubon wiadin kepekarangan jatma tiyos rikala suwung, mewastu sang madruwe karang keicalan, wenang jatma inucap ketuwekang antuk madewa saksi ring Pura Bale Agung.
- (5) Mangda tan ketuwekang manut ring ajeng asing - asing ngeranjing kubon jatma tios patut :
 - a. Matenggeran suara (mekaukan) ;

b. ngantos

- b. Nyantos sang nruwenang Karang rawuh utawi mesadok ring pangapit pinih tampek, maka buatan pengeranjinge ;
- c. Pemedal karangaya kedagingin sawen maka cihna pengarah rikala suwang.

Kaping 6

Poyanggran Desa

Pawos 31

Krama Desa rikala ngawentenang karya euka duka, patut kesanggira antuk Krama Desa.

- a. Prade ngewangun Pitra Yadnya utawi Manusa Yadnya wenang nunas Penyanggran Desa ;
- b. Ngerombo utawi mekarya gotong royong wantah ping tiga selangkung nyane sang madruwe karya patut ngaturang pengingu ;
- c. Pengingu rikala Pitra Yadnya manut abot dangan karya prade sakeng semeng mekarya ngantos wengi patut katuran pengingu ping kalih lanang lan wadon.

Kaping 7

Indik Pariwerti

Pawos 32

- (1) Sehanan warga Desa adat tan kapatutang majejemuhan , ngutang laluhu, mebacin ring Margi Agung tur ring genah sane nenten Kapatutang sane praside ngicalang pasukertan Desa Pakraman.
- (2) Krama Desa patut ngewerdiang ring sajeroning setra Adat nandur sarwa sari mangda setra inucap pekantenannyane asri.
- (3) Telajakan karang sane majeng Margi Agung, Merajan , Karang Sikut Satak patut kapiara nyabran rahina tur katandurin sarwa seri.
- (4) Sehanan Warga Desa Adat patut mebersih - bersih nyabran rahina ring karang paumahan sami sakeng telajakan ring ajeng rawuhing got/kekalen lan Margi Agung.
- (5) Sehanan Warga Desa Adat kepatutang madruwe genah mebacin utawi WC.

(6) Sang

- (8) Sang sapa sira ugi sane mamurug pidabdab inucap patut keni pamidanda manut uger - uger sakeng Guru Wisesa.

SARGA IV

SUKERTA TATA AGAMA

Palet 1

Indik Dewa Yadhya

Pawos 33

- (1) Pelinggih penyiwian bewidangan Desa Adat Umbalan, luwire :
- a. Kahyangan Tiga : Pura Dalem, Pura Puseh, miwah Pura Desa utawi Bale Agung ;
 - b. Pura Wates ;
 - c. Pura Pujangga ;
 - d. Pura Merajapati.
- (2) Rehina pidalen soang - soang Kahyangan kadi ring sor :
- a. Pura Desa utawi Bale Agung nyabran Budha Keliwon Sinta, Saniscara Keliwon Landep, Anggara Keliwon Julungwangi, Purnamaning Kedasa lan Werapati Dunggulan ;
 - b. Pura Puseh rikala Purnamaning Kapat, Saniscara Keliwon Wariga, lan Sukra Keliwon Sungsang ;
 - c. Pura Dalem lan Pura Merajapati rikala Purnamaning Karo ;
 - d. Pura Wates rikala Budha Wage Kelawu lan Buda Wage Warigadean ;
 - e. Pura Pujangga rikala Budha Wage Warigadean ;
- (3) Pengaci ring pura - pura inucap manut kecap Sastra Agama saha kelaksanayang, nista madya, utama.
- (4) Pengempon Pura soang - soang manut dresta sekadi ring sor :
- a. Pura Bale Agung, Pura Pujangga, Pura Dalem Gede lan Pura Merajapati kaempon olih Krama Desa ;
 - b. Pura Puseh

b. Pura Puseh, lan Pura Watso kasempun olih Krama Hgarap.

Pawon 34

- (1) Ring Parhyangan Desa Adat Umbalan kasilegang Pemangku .
- (2) Ngadegang Pemangku inucap angka (1) manut dadasan :
 - a. Nyanyian utawi manemaning, soang soang mapitugas mapitugas ring ajeng Penataran wiadin ku Pura Desa manawi ring ballan capeng, lan capengunggilannya ;
 - b. Turunan utawi ngewarita ;
 - c. Kecatri (pilihan Krama Desa) ;
 - d. Mawit makeng Krama Desa Adat Umbalan.
- (3) Taa kawenang ngangge pemangku , luwire :
 - a. Cedangta, lutre , peceng , perat, suagih lan sepemunggilannya ;
 - b. Sang capa pira ugi sane tan kepatutang manut pabaram ;
 - c. Sakit ila, ayu, bobuh wiadin edan ;
 - d. Sane mederbe kegucian urip tan boalk.
- (4) Prabis kepemangkuan :
 - a. Adiksa Wiadin (ngawintenin) kemenggala saha kelaksanayang antuk sang ngadegang, makadi Krama Desa .
 - b. Nepitra Yadya riwekas kelaksanayang antuk Krama Desa.
- (5) Pemangku patut ngemanggehang sesananing pemangku, luire tan wenang ajejuden mawah sane tlecan.

Pawon 35

Swadarma Pemangku luwire :

- a. Ngenterang upacara plodalan ring Kahyangan utawi ring soang - soang pekubon krama ;
- b. Tan

- b. Tan Wenang salab sulub yan mamurung wenang mangku inucap nyepuhin raga ;
- c. Prade sinalih tunggil Pemangku Tri Kahyangan kapiabeng kengin nyelang Pemangku Kahyangan Tiga tiosan utawi nuur sang sulinggih ;
- d. Semaliha yen sampun pemangku ngayah tigang rahina ring pura kancit wenten kulawargana padem, mangku inucap tan keneng cuntaka, sakewanten mangku tan budal selami piodalan.

Pawon 36

Petias utawi olih - olihan pemangku, luire :

- a. Peras Daksina ;
- b. Luput Ayah ;
- c. Luput Rerampen ;
- d. Busana arangsukan nyabran ngemasa ;
- e. Tios - tiosan manut perarem.

Pawon 37

(1) Pemangku kagentosin riantuan :

- a. Seda ;
- b. Pinunas ngeraga, menawi kageringan lan sepengunggalnya ;
- c. Kawusanang antuk krama sangkaning melaksana sane tan patut (Asta Dusta).

(2) Prade mangku kawusang sangkaning melaksana asta dusta, keni pamidanda manut perarem saha ngewaliang prabiya pewintenan pecak.

Pawon 38

Kasukertan Kahyangan kadi ring sor :

- a. Tan Kalugra ngeranjing kepura luire :

1. Sang

1. Sang katiben cuntaka, mekadi sebel askeng ngeraga :
 - a. Sebel kandel ngerajasuwala, selami dereng mebersih ;
 - b. Sebel madruwe putra, selami dereng kepus odal tur maupakera . sane lanang, sane istri ngantos 42 rahina / akambuhan ;
 - c. Sebel pengantenan, selami dereng mabiyakala, miwah cuntaka sangkaning kepadaman manut senger ;
 - d. Sebel riantukan madruwe keluarga kepadaman/kelayusekaran selami dereng ngelaksanayang Upakara Mezapuh utawi Nyeeb Brahma.
 2. Makta sehanan barang sinanggoh ngelethein ;
 3. Sato Agung sejawaning rikala mapepada ;
 4. Mabusana tan manut kadi tata caraning ngeranjing ke Pura ;
 5. Sedereng polih wak - wakan (pituduh) Prajuru / Dulun Desa.
- b. Pratingkahe tan wenang ring Pura :
1. Masumpah (cor) sejawaning pituduh Prajuru/Dulun Desa ;
 2. Makobetan, masosenengan, makolem dados asiki lanang wadon, mebacin/mewaroh, nyangsang busana, menahin posungan (santukan punika sekadi rikala mejejahitan patut ngelung busung mecingor lidinya) ;
 3. Mungguh tedun palinggih sejawaning pituduh Prajuru/Dulu.
- c. Sang mamurug kecaping ajeng, keni pamidanda pemerascita sepatutnya.

Pawos 39

- (1) Yen wenten jatma kerawuhan ring Pura, kengin kapintonin prade rumasa kesumbangsayan, yan tan wiakti, jatma inucap kesisipan kedanda prayascita.
- (2) Prade Kahyangan kehanan durmanggala, minakadi kepanca bhaya, pemangku patut digelis nyadokang ring prajuru mangda marumang krama desa tur ngawentenang pemerascita sepatutnya.

Falet 2

Palet 2

Indik Resi Yadnya

Pawos 40

- (1) Sang pacang madeg Pandita utawi Pinandita minakadi dalang saluire jagi ngenterang yadnya patut mesadok ring Prajuru Desa kalih Parisada Hindu Dharma Indonesia.
- (2) Prajuru Desa patut ngawas nitenin tur naweng ngalangin prade wenten kacihnan saar kekecap miwah drestane, tur sareng nyaksinin upakara saha nyilarang ring paruman desa tegep rawuhing wates kawenangan ngenterang yadnya.
- (3) Krama desa patut ngaturang ayah sepemadeg miwah ring pengelepas sang sulinggih riwekas katuntun antuk Prajuru.

Pawos 41

- (1) Sang sulinggih patut ngeriyinang ngayunin ring wawidangan jagat Desa Adat Umbalan sesampune puput wawu kangkat muputang Yadnya kejebar tiis jagat utawi kedura desa.
- (2) Krama Desa sami patut sareng ngawas nitenin ketuntun antuk Prajuru, mangda sehanan Yadnya sane kewentenang kaicen pemuput olih Pedanda utawi Pinandita manut kewensanganya soang - soang.

Palet 3

Indik Pitra Yadnya

Pawos 42

Pemargin Pitra Yadnya madudonan manut sekadi ring sor :

a. Pengupakaran sang kelayu sekar :

1. Antuk mendem maka cihna pakingsan ring Ibu Pertiwi selami nuptupang prabeya ;
2. Atiwa - tiwa (upakara pengabenan/pelebon).
3. Upakara upacara Pitra Yadnya riwusan keabenang mewastu munggah daun bingin (ngeroras) wawu kelaksansyang palinggih Dewa Hyang Bhatari.

Pawos 43

Swadharmaning lan tetegenan prade wenten sinalih tunggil Krama Kelayu sekaran :

(1) Sang kaduhkitan patut :

1. Nyadokang ring Prajuru Adat tur nunas tatimbangan ring kawentenannya ;
2. Ngaturin Desa ngerombo mekarya eteh - eteh sarwa kedulurin panyembrama canang sesida antuk utawi meweweh sajeng ring pengerombo nganter ke setra.
3. Prajuru Adat maritatas pemargin sang kaduhkitan, napike pacang kependem. makingsan riyin utawi lantur keabenang ;

5. Penyanggran Desa selanturnya :

- a. Soang - soang Krama nedunin patus $\frac{1}{4}$ (apempatan) Kg. beras.
- b. Ngerombo ngaryanin eteh - eteh sawa, saha kesarengin antuk Krama sane rawuh, maaksian ;
- c. Sami Krama Desa nganter kesetra jantos pemendeman puput.

(2) Tan kengin ngelelet sawa langkung ring 7 (pitung) rahina, tur patut polih pagebagan yening sampun mesiram anut paetangan Prajuru Adat ;

(3) Tan kalugra mendem sawa rikala :

1. Wuku was penganten ;
2. Semut sedulur ;
3. Kala gotongan ;
4. Larung pegelangan : Wraspati penanggal/pangelong ping 6 (enem) ;
5. Gagak anungsung pati, penanggal ping 9 (siya) ;
6. Ingkel wong ;
7. Reraianan jagat :
 - a. Purnama ;
 - b. Tilem ;

c. Purwani

- c. Purwani ;
 - d. Kajeng Kliwon ;
 - e. Pasah ;
 - f. Buda Kliwon ;
 - g. Tumpek ;
 - h. Buda Wage (buda Cemeng) ;
 - i. Anggar Kacih (Anggara Kliwon) ;
 - j. Saniscara Umanis Watugunung ;
 - k. Redite Umanis Ukir (Odalan Bhatara Guru) ;
 - l. Wuku Walanggati, penanggal ping 11 (solas) ;
 - 8. Wuku Isukir ngantos Buda Kliwon pasah, (buncal balong) ;
 - 9. Sasih ke 10 (dasa) tanggal ping 13 (telulas) ;
 - 10. Dewasa kekeran manut desa adat.
- (4) Prade wenten kelayu sekar, rikala prodalan, kengin kacurupang tan maupakara tanpa sadok tur memargi wengi ;
 - (5) Tan kalugra nginepang bangbang ;
 - (6) Prade sane kelayu sekaran ngadut manik, patut manik inucap kawijilang riyin wawo kaupakara ;
 - (7) Tata cara ngange setra manut paetangan prajuru miwah dresta.

Pawos 44

- (1) Sane kasinanggeh kacuntaka sekadi ring sor :
 - a. Cuntaka antuk kelayu sekar ;
 - b. Cuntaka antuk ngeraja swala ;
 - c. Cuntaka antuk ngembasang putra ;
 - d. Cuntaka antuk keruron ;

e. Cuntaka

- e. Cuntaka antuk sakit ila utawi buduh ;
- f. Cuntaka antuk pawiwahan ;
- g. Cuntaka antuk gamis gamana ;
- h. Cuntaka antuk salah timpal ;
- i. Cuntaka yening wenten anak istri mobot nenten keupakara pabiukawonan tur pawidiwidana ;
- j. Cuntaka antuk memitra ngalang ;
- k. Cuntaka antuk yening wenten anak istri ngembasang putra sadurung maupakara pabiukawonan tur pawidiwidana.

(2) Sengker Cuntaka manut kawentenannya :

- a. Cuntaka kelayu sekar, cuntakanna 12 (rokas) rahina manut sekadi loka dresta miwah sastra dresta Desa Adat Umbalan utawi nyantos Nyeeb Erahma ;
- b. Cuntaka ngeraja swala, 3 (tigang) rahina ngawit saking ngeraja swala utawi selami ngeraja swala ;
- c. Cuntaka ngembasang putra, kepus Odel sane lanang ngawit saking putrane embas, utawi ngantos sampun kaupakarayang mekekambuhan tur meperascita manut sekadi agama, sane istri ;
- d. Cuntaka keroron, cuntaka nia abulan pitung rahina (42 Rahina) tur sampun matirta pemerascita, lanang 3 (tigang) rahina ;
- e. Cuntaka pawiwahan, cuntakania ngantos sesampune matirta pabiukawonan ;
- f. Cuntaka gamis gamana, cuntakania ngantos sesampune kepalasang utawi mesapihan tur sampun kawentenang pemerascita raga tur kawentenang pemerascita desa adat/Kahyangan ;
- g. Cuntaka salah timpal, kepuputang sekadi manut ring Agama Hindu tur dresta ring Desa Adat ;
- h. Cuntaka anak istri mobot nenten kawentenang upakara pabiukawonan, cuntakania ngantos kawentenang upakara pabiukawonan ;
- i. Cuntaka memitra ngalang, cuntakania ngantos kawentenang upakara pabiukawonan ;

j. Ngembasang

- j. Ngembas putra nenten kawentenang upakara pabukawonan miwah upakara pawidiwidana, cuntakania ngantos wenteu sane memeras sang putra, tur sampun kewentenan upakara sekadi manut ring ajaran agama Hindu.

(3) Cuntaka Kelayu sekar/kepadaman :

a. Kapendem cuntakania :

1. Pengapit, remapas/penumbak pekarangan ngantos 3 (tigang) rahina saha sampun mesapuh ;
2. Kulawarga ngarep 12 (roras) rahina saha sampun mesapuh.

b. Keaben cuntakania :

Sang nyambut karya Pitra yadnya cuntakania ngawit saking ngoreng ageng rauh riwus yadnyannia (mepegat) utawi sampun mesapuh.

(4) Sane ketiben cuntaka luire :

a. Kelayu sekaran sane kacuntaka :

1. Sang sane kelayu sekaran ;
2. Kulawargannia ;
3. Desa utawi Banjar manut dresta.

b. Ngeraja swala sane kacuntaka sang sane ngeraja swala ;

c. Ngembas putra, sane kacuntaka kulawargannia sane ngembasang putra lanang wiadin istri ;

d. Pawiwahan, sane kacuntaka sang sane kaupakara pawiwahan lanang wiadin istri ;

e. Keruron, sane kacuntaka kulawargannia lanang wiadin istri ;

f. Gamia gamana, sane kacuntaka sang sane ngelaksanayang gamia gamana lan desa adat nyane ;

g. Anak istri mobot sane tan kewentenang upakara pabukawonan, sane kacuntaka sane meraga istri (sane mobot) ;

h. Memitra ngalang, kacuntaka sane ngelaksanayang memitra ngalang ;

1. ngembasang

i. ngembas putra tan kawentenang upakara pabiukaonan miwah upakara pawidiwidana sane kacuntaka :

1. Sang sane ngembas putra ;
2. Putra sane embas ;

Pawos 45

(1) Atiwa - tiwa (pengabenan) kolaksanayang manut dresta.

(2) Panemayan Pengabenan wenten kalih Pawos :

- a. Ngaben Dadakan/bahbangun, kedadosang sejeroning mesongker awuku utawi 7 (pitung) rahina ;
- b. Ngaben ngemasa utawi nuasa .

Pawos 46

(1) Peputusan pengabenan wenten kalih pawos :

- a. Ngaben Nuasa, luwire beras abungbung , kelapa sawungkul gesing akatih ,kelangsah manut pinunas sang meyadnya miwah kerapatan ategen ;
- b. Ngaben dadakan, luwire beras atengah bungbung miwah sane tiosan manut pangelokika Prajuru lan Krama.

(2) Sang madruwe Kelayu sekaran polih pangerombe sakeng Krama ngawit tigang rahina sadereng karya, saha indik patedunan krama lanang wiadin istri manut kawentenana karya tur manut sekadi pinunas sang meyadnya.

Pawos 47

Tios - tiosan pemargin Atiwa - atiwa kadi inucaping ajeng indik pemargi - pemargi anut pidabdab perarem.

Palet 4

Indik Manusa Yadnya

Pawos 48

- 1) Manusa Yadnya inggih punika upacara - upacara dharmaning manusa, ngawit sakeng patemoning kama bang sajeroning garba, ngantos kelayu sekar riweksaa.
- (2) Upacara

- (2) Upacara kadi ring ajeng madudonan kadi ring sor :
- a. Magodong - gedongan duk pengerampinian ibiang ;
 - b. Duk sang kama reka medal ;
 - c. Roras rahina ;
 - d. Tutug kambuhan 42 (petang dasa kalih) rahina ;
 - e. Nigang sasihin ;
 - f. Pawetuan /oton/odalan (enem sacih) ;
 - g. Tutug Kelih (ngeraja wedana, ngembakin utawi ngeraja singa lanange) ;
 - h. Metatah (nepandes) ;
 - i. Mawiwaha ;
 - j. Mewinten.
- (3) Upacara - upacara inucap nista, media, utama manut sastra Agama saha catur dresta maka buatan desa dresta ngawinang sima cara desa.

Palet 5

Indik Butha Yadnya

Pawos 49

- (1) Butha Yadnya inggih punika upacara biakala ring pertiwi lan kayangan, sarwa perani saha upacara - upacara ring bebutan.
- (2) Upacara biakala ring sarwa perani, luire :
- a. Ring sarwa tumuwuh ritatkala tumpek Pengatag (Saniscara Keliwon Wariga) ;
 - b. Ring sarwa ingon - ingon rikala Tumpek Andang (Saniscara Kliwon Uye) ;
 - c. Upacara pakala - kala manusa anut widana, kebawos pabyakala.
- (3) Upacara pabyakala ring pertiwi, kayangan lan bebutan kewanstanin mecaru.

(4) Upacara

- (4) Upacara inucap ring ajeng, nista, madia, utama, manut wiguna kadi ring sor :
- a. Eka Sata ;
 - b. Panca Sata ;
 - c. Panca Sanak ;
 - d. Resi Gana ;
 - e. Taur Agung ;
 - f. Panca Kelud.
- (5) Sajawaning kadi ring ajeng kawentenang upacara :
- a. Majet - Jotan utawi Yadnya Sesa nyabran wusan ngerateng ;
 - b. Mesapuh - sapuh rikala pacang wali ring Pura ;

Pawos 50

- (1) Ngangken ngewarsa rikalaning Tilem Kesanga kawentenang tawur kesanga, ketah kebawos ngerupuk, maka cihna pacang mapag rainan penyepian benjangne.
- (2) Upacara Penyepian sane pacang kemargiang antuk krama desa :
- a. Amati geni, tan kengin maapi - api ;
 - b. Amati karya tan kengin nyambut karya ;
 - c. Amati lelungan, tan kengin maoneng - onengan, masuara goro-lan sepenunggalannya ;
 - d. Amati lelungan, tan kengin malunga - lungaan .
- (3) Faberatan inucap kemargiang sakeng semeng ngantos benjangne semeng raris kasuarayang kulkul pinaka cihna pengembak .
- (4) Sang mamurug kecaping ajeng keni pamidanda manut perarem desa adat kemargiang antuk petelik (pecalang desa).
- (5) Riwus rahina Nyepi benjangne maka cihna pengawit Icaka Warsa patut soang - soang warga Desa sami ngaksama.

SARGA V

SARGA V
SUKERTA TATA PAWONGAN

Palet 1
Indik Pawiwahan
Pawos 51

- (1) Pawiwahan inggih punika potemoning purusa predana melarapan panunggalan kayun ouka cita maduluran upasaksi sekala niskala.
- (2) Penglaksanaan pawiwahan luire :
 - a. Pepadikan kemanggala antuk pekraman ;
 - b. Ngerorod , merangkat riya wawu kakrunayang ;
 - c. Nyeburin utawi sentana nyeburin risampun nganutin upakara pamerasan.
- (3) Pidabdab sang pacang mawiwaha patut :
 - a. Sampun manggeh deha teruna (prasida nganutin Undang - Undang Perkawinan ;
 - b. Sangkaning pada rena (tan kepaksa) ;
 - c. Manut kecaping Agama (tan Gamia gamana) ;
 - d. Kawicudayang prade pengambile tiros Agama miwah kepati wangi.
- (4) Pemargin Pawiwahan mangda taler nganutin Undang - Undang Perkawinan baging sang ngawewenang.

Pawos 52

- (1) Pawiwahan sana kepatutang ring desa sekadi ring sor :
 - a. Sampun kemanggih pabyakala utawi pesakapan, kesaksiang sekala niskala antuk Prajuru lan Dulun Desa ;
 - b. Wenten pesaksi Prajuru sane mapekelingang utawi ngilikitayang pawiwahan ;

c. Sampun

e. Sampun matengeran suaran kulkul sakeng Krama Adat pinaka pitgep maka oihna sampun sah saperabian ;

d. Pawiwahan inucap ring ajeng sampun kecatatang ring Kantor Camat utawi Kantor Catatan Sipil Kabupaten Daerah Tingkat II Bangli.

(2) Perabian sane tan manut kadl ring ajeng sinanggeh tan patut

Pawon 53

Tata caraning perabian patut sekadi ring sor :

a. Sapa sira ugi pacang ngewarangang pakuluwarga patut wewadok ring Prajuru, selanturnya prajuru maritatas anut tan manut kekecap perabiane;

b. Pemargin pepadikan anut dudonan :

1. Pakrunan jantos ping tiga, saha soang-soang melarapan antuk :

a. Kapertama antuk canang;

b. Kaping kalih antuk canang ring sajeng ;

c. Kaping tiga antuk tipat bantal, kabawon pamuput pepadikan.

2. Risampun pragat raris sang istri keajak budal ring pakubon sang lanang, saha kalanturang antuk pabyakala.

3. Mangda pragat tumus sekala niskala, raris kuluwarga purusa makta pejabat ring merajan wadone.

c. Prade ngererod/merangkat patut :

1. Reraman lanang ngewentenang pamilaku antuk luta sekirsagnya 2 (kalih) diri;

2. Pagenshan antene tan kengin ring pakubon sang lanang sadereng mabyakala.

d. Sajeroning pakrunan /pengelakuan patut :

1. Kamenggala antuk geng pengampura arep ring reraman wadone ;

2. Kaigumang bawos ldih pakidih utawi pelegayan arep ring pacuwakan sang ngidih saha dewasa pakrab kambean riwekas;

3. Kecihnyang

3. Kecilmayang indik kapuruan utawi prado sentana rajek kajelerang kepatut ngidih anak lanang sane kebawos pawiwahan nyeburin, tur risampun sulur pamerasan kategepin kamanggahang sentana nyeburin;
 4. Prade lan terima pelakuan pejati pakruan kemanggih jantos ping tiga, yening anteng sampun ngenutin pidabdab sang pacang mawiwaha upakara patut kelaksanayang saha kamanggala antuk Prajuru Adat.
- e. Pembrakmbaan mapiteges upacara tinda apadang (puput) mapikuren, dwaning manut sakedi ring sor :
1. Sajeroning kabawos ambe, kelaksanayang ring sekala niskala antuk sarana jejauman miwah pawidi widana :
 - a. Jejauman pinaka ngambe/ngadungan kayun soang-soang pakulawarga wadone;
 - b. Widi widana pinaka pejati niskala nunas wadone ring pemerajan kemulannya .
 2. Sajeroning bawos kerab pelaksana ring sekala :
 - a. Antuk pesaksi Krama Desa dwaning kekerabang antuk tengeran kulkul;
 - b. Pamekas pesaksi Prajuru/Dulu-dulu saha ngilikitayang .

Palet 2

Indik Nyapian

Pawos 54

- 1) Pawiwahan praside kawosang melatarapan antuk palas perabian utawi kepademan.
- 2) Wusan mapikuren riantuan sinalih tunggil seda mapiteges balu, mekadi balu lanang utawi istri.
- 3) Palas perabian wenten kalih pawos . inggih punika sangkaning pada lila miwah mawiwit wicara .
- 4) Sang ayat palas merabian patut atur supekas palikitan riyin ring sang rumawas (Pengadilan Negeri) wastu tinas apadang pemutusa kabawos nyapian wawu Prajuru nyisrang kawentenannya ring Desa saha keni pamelin kulkul manut perarem.

Pawos 55

Pawos 55

Tata cara palas perabian sangkaning pada arsa/lila sekadi ring ser :

- a. Nawur prabaya penakni asalih tunggil sami matenga ;
- b. Pagunakaya polih pahan pada ;
- c. Pabekel, tatadan soang-soang kekuasa niri-niri miwah warisan kekuasa antuk purusa ;
- d. Ngeweruhin miwah ngupa jiwa pratinentana aganut swadharmaning guru rupaka ;
- e. Ngaturang pejabat pagedat makurenan kenaksinin antuk Prajuru ring Pura Bale Agung ;
- f. Nawur pamidanda panumbas suaran kulkul manut perarem ;
- g. Ngelung jinah manut lokika Prajuru.

Pawos 56

Prade riwekas sang palas kecihnan adung malih, patut :

- a. Ngelaksanayang pawiwahan malih ;
- b. Kedanda nikel saking palase, yadiastun wit palase pecak sangkaning pada lila (arsa).

Pawos 57

(1) Sang balu kebinayang dados :

- a. Balu luh wit sentana (sentana rajeg) miwah balu luh boya sentana ;
- b. Balu muani kepurusa (wit sentana) miwah balu muani nyeburin (boya sentana).

(2) Swadharmaning balu inucap patut :

- a. Ngemanggahang patibrata tan kengin ngemargiang paradara utawi drati krama ;
- b. Ngusayang waris pagunakayan, tan dados ngadol, ngadeang, makidihag lan siosan punika, sejawaning kebebasan saking pianak utawi kulawarga pinih tampek saking kurenannya prade pianak kantung alit - alit;

c. Kengin

- c. Kengin ngidih sentana prade wenten pidabdab sedurung sinalih tonggil padem, saha keuteahayang kabebasan antuk kulawarga singgih kapurusa ;
- d. Kawenangong mawiwaha malih, yening sampun mawaneng tigang sasih, prade kantun mobil nyanton putrane embas.

Pawos 58

Balu kaucap tan pagedi bokadi ring sor :

- a. Dratikrama utawi paradana ;
- b. Matilar saking pakubon tan penadok jantun 6 (enam) sasih ;
- c. Lepas ring swadharna sowos - sowos , tan prasida ngebehin salah maprawerti arep ring pituduh kulawarga purusa.

Palet 3

Indik Sentana

Pawos 59

- (1) Sentana wenten kalih pawos, sane kaucap pratisentana miwah sentana paperasan.
- (2) Pratisentana inggih punika sentana sane metu saking pawiwahane kepatut.
- (3) Prade pawiwahane tan kepatut ngewetuang sentana, mangda tan kantun kawastanin hebinjat utawi astra yogia kemanggala antuk penyanggaskara.
- (4) Prade pawiwahane tan ngewetuang sentana kengin, ngidih sentana upasaksi antuk sekala niskala sane kawastanin setana paperasan .
- (5) Sentana rajeg inggih punika , pratisentana wadon (predana) sane kemanggehang lanang (purusa) tur risampun ngelaksanayang pawiwahan nyeburin.
- (6) Sang sane dados kearsayang dados sentana rajeg inucap wiwit (5) , inggih punika :
 - a. Pratisentana wadon tunggal ;
 - b. Sampun kemanggehang dados pratisentana lanang (purusa) ;

c. Kapawiwahan

- c. Kapawiwahan keceburin , kautamayang antuk jatma sane manggama Hindu utawi jatma sane manggama tiyosan sane sampun ngelakonsayang pamartauda raga ;
- d. Sane ngemunggehang sentana rajeg patut mapasadok ring prajuru Desa, saha prajuru Desa patut ayiarang ring Desa Adat .

Pawos 60

- (1) Ngangkat sentana manut dudonan patut makacihna artha berana pemerasan sane keningkelang sekala - niskala.
- (2) Sapa sira ugi krama pacang ngidih sentana patut mesadok ring Prajuru Adat sanistane asasih cederang pemerasan.
- (3) Bendesa Adat kangkat kawakilin antuk Prajuru Adat tiosan nyiarang ring wewidangan desa, sang sapa sira ugi rumasa tan lila mangda nyadokang maseuyker kalih waku sabanen pemerasan ring Bendesa Adat.
- (4) Prajuru Desa digelis mawosin saha ngicenin pemutus nepak ring catur dresta miwah perarem.
- (5) Prade sulur peperasan tan manut ring kecapiing ajang, Prajuru Desa wosing ngandeg sang pacang nekarya, saha ngicenin penuntan, mangda keputang riya bebawa / sulur utawi wicaranya.

Pawos 61

- (1) Peperasan sane ring desa risampun maka cihna :
 - a. Widi widana pemerasan ;
 - b. Kesaksinin antuk Prajuru lan Dulua Desa , sane makelingang utawi ngilikitayang, tur ;
 - c. Kesiarang ring wewidangan desane.
- (2) Sane kepatut peras angge sentana kadi ring sor :
 - a. Jatma manggama Hindu ;
 - b. Pepernahan nedunang saking sang meras ;
 - c. Kulawarga saking purusa, prade ten wenten kengin saking wadon yening taler tan wenten wawu kengin sekama - kama (saking kayun) ;
 - d. Kautamayang

- d. Kautamayang saking waris pancer kapurusa ;
 - e. Sinalih tunggil mawiwit saking kulawarga tunggal sanggal utawi merajan, paibon lan dadia utawi ngambilin anak tios sakewanten sang magama Hindu.
- (3) Kengin ngangkat sentana lintang ring adiri, lanang wiadir wadon.

Palet 4

Indik Warisan

Pawos 62

- (1) Warisan inggih punika tetamian artha berana saha ayah - ayah ngupadi sukertan sekala niskala saking keluhurannia arep ring turunannya.
- (2) Sane sinanggeh warisan luire :
- a. duwe tengah, mekadi carik lan tegal ayahan desa kahyangan, pusaka, lan sepenunggalannya ;
 - b. Pemerajan utawi sanggah ;
 - c. Pegunakaya, tatadan, jiwa dana, hutang piutang.
- (3) Wawu kengin kebawos warisan prade werten :
- a. Sang mapiturun (pewaris) ;
 - b. Ketarunan (ahli waris) ;
 - c. Artha berana miwah tetegenan (ayah - ayah) makacihna warisan.

Pawos 63

- 1) Ahli waris , luire :
- a. Pretisentana purusa ;
 - b. Pretisentana predana (sentana rajeg) ;
 - c. Sentana peperasan lanang / wadon ;

(2) Prade

(2) Prade tan wenten sekadi ring ajeug, kang cinanggeh ahli waris:

- a. Turunan perusa pernah ngunggahang, rerama lanang pokak belantur ipun rerama mian mindon.
- b. Turunan perusa pernah kasamping mekadi keponakan miwah mindon.

Pawos 64

Skadarmaning ahli waris patut :

- a. Nerima saha nguasayang tetamian pahan saking keluhuranna, mekadi ngerempon sangah, pura saha pengupakaranna miwah nyeledihin ayah - ayahan pewaris :
- b. Ngabenang pewaris saha ngelanturang upacara - upacara pitra :
- c. Nawarin hutang - hutang pewaris sane manut penglokika.

Pawos 65

Pengepahan warisan nganutin sekadi ring sor :

- a. Risampun kelaksanayang pitra yadnya lan hutang - hutang pewaris buntas ketawur ;
- b. Para ahli waris polih pahan pada sangkaning pegunakaya, sejabaning karang, tegal, carik ayahan desa keamong antuk ahli waris kang cinanggeh krama ngarep.
- c. Sinalih tunggil ahli waris kengin tan polih pahan prade :
 1. Nilar kawitan lan sesananing Agama ;
 2. Alpaka Guru Rupaka ;
 3. Sentana rajeg kesah mawiwaha utawi pratisentana nyeburin, soang - soang kebawos ninggal kedaton.
- d. Boya ahli waris kengin muponin hasil anat dudonan, luire :
 1. Sentana luh, selami dereng kesah mawiwaha utawi alpaka guru miwah prade pionak tan kesngkenin antuk wong tua rare inucap, kengin ngewaris wantah pikolih (paguna kaya) sentana luh inucap kemawon ;
 2. Balu luh wiadin muani nyeburin (soang - soang boya sentana) ;

3. Mulih

3. Milih dehe utawi teruna, riantukan ring pawiwahane, tatadan utawi bekel, maka diha, pawawah tetep ring pisanak sane kesah mawiwaha.

Pawos 66

- (1) Prade sejeroning pokulawarga wenten ahli waris langkungan ring adiri patut :
- a. Kawentenang palguman indik pedum waris laucap ;
 - b. Yen tan prasida ketunasang tetimbugan ring Prajuru (kerta desa) ;
 - c. Prade taler tan wenten cumpu ring penepas kerta desa kengin ketunasang ring sang rumawas (Pengadilan) .
- (2) Prade karang laucap keputungan, patut prajuru/dulu nibaksag ring :
- a. Sang sinanggeh ahli waris manut pawos 63 ;
 - b. Sang kengin anggen sentana anut pawos 61 (2) miwah (3) ;
 - c. Prade taler tan wenten cumpu ring penepas kerta desa. kengin ketunasang ring sang rumawas (Pengadilan Negeri) .
- (3) Prade jantos karang utawi tegal desa kepah utawi kesepih, patut soang - soang nedunin mekrama desa .

SARGA VI

WICARA LAN PAMIDANDA

Palet 1

Indik Wicara

Pawos 67

- (1) Sane wenang mawosin mekadi mutusang wicara ring desa inggih punika prajuru Desa sinanggeh kerta desa.

(2) Prade

- 1) Prade sang mawicara tan wenten cumpu ring pamutus kerta desa, kengin munggang wicara inucap ring sang rumawos (Pengadilan).

Pawos 68

- 1) sahanan wicara mawiwit kecorahan eakaluire sinaraggeh nungkasin daging swig - swig, pasura miwah perarem Desa . Prajuru patut digelis mawosia tan nyantos pesadok.
2) Sejabu wicara kadi ring ajeng patut nyantosin pesadok sang nunas bawos.
3) Panepase patut pastika nyantenang iwang patut melorapan Tri Pramana (Saksi, ilikita, bukti) miwah tan maren nepek ring Catur dresta.

Palet 2

Indik Pamidanda

Pawos 69

- 1) Desa wenang niwakang pamidanda ring warga desa sane sinip.
2) Peniwak inucap kelaksanayang olih Bendesa Adat.
3) Bacakan pamidanda luire :
a. Ayahan panukun kesisipan ;
b. Danda artha (dosa, danda saha panikel - panikelnya miwah panikel - panikel urunan) ;
c. Rerampagan ;
d. Kedaut karang utawi miwah tegal lan Carik ayahnya ;
e. Kesepe kang ;
f. Penyanggaskara.

Pamidanda sane katiwakang patut masorsingih manut ring kesisipane.

Jinah utawi raja berana pamidanda ngaranjing dados druwen Desa.

Pawos 70

Pawos 70

Indik Rerampagan

- (1) Krama sane langkungan ring tligang paruman ngelantur lan nawur urunan miwah dedendan wenang kerampag.
- (2) Rerampagan nganggo tata cara kadi ring sor :
 - a. Kelaksanayang antuk Prajuru kasarengin antuk krama tligang diri pinaka eskol ;
 - b. Sang ngerampag adha darbane ngambil artha utawi nyawenin tanem tuwuh, akhehya manut ring hutang sang kerampag ;
 - c. Prajuru Desa miteketang mangda Artha sane kerampag digellic katebus, masenger swaku ring kotus (3) rahina pacang keadol ;
 - d. Tan nganinin saluwiring artha sane patut inggilang manut Agama miwah lan mademang pangupajiwa sang kerampag.

Pawos 71

- (2) Prade sang pacang kerampag ngewara (ngolangin) pelaksanaan inucap mewastu sampun tan nganutin awig - awig desa wegang karang desa sane kogenahin kedaut antuk desanne.
- (2) Semaliha yen wenten purun taler ngalangin pelaksanaan kadi ring ajeng tan wenten pemargi sejawaning kesepekang antuk Krama Desane.
- (3) Pamidanda inucap ring ajeng buntas risampun sang kekadinin :
 - a. Nunas geng pengampura ring Krama Desa riantukan nguak pasubaya (pararem) pecak ;
 - b. Nawur pengargan pengusak pasubayane duk pacang kerampag kadulurin prayascita panyakeak keiwangane ring desa.

SARGA VII

NGUWAH - NGUWUHIN AWIG - AWIG

Pawos 72

- 1) Nguwah - nguwhin Awig - awig Desa Adat puniki kelaksanayang antuk parumen desa.

(2) Awig - awig

- (2) Awig - awig puniki kemargiang ngawit keingkupin
(keraremin) .

Pawos 73

- (1) Sakaluring sane wenten saderengnya patut keanutang ring
sedaging Awig - awig puniki.
- (2) Sakaluring sane durung kebawos sajeroning Awig - awig
puniki patut kelaksanayang manut tatacara sane sampun
memangi kaduluruin antuk perarem - perarem.

SARGA VIII

P E M U P U T


Pawos 74

- (1) Awig - awig puniki kararemin duk rahina Weraspati Paing Wuku
Julungwangi Sasih Keulu Pananggal ping 5 Icaka Warsa 1914
Tanggal Masehi 23 Januari 1993 ngambil genah ring natar
Bale Pesamuan Desa Adat Umbalan.
- (2) Awig - awig puniki kalingga tanganin antuk Prajuru
Adat kasarengin antuk Ketua LKMD , Kepala Desa Yangapi lan
Camat Tembuku pinaka saksi.
- (3) Luir Sang ngelingga tanganin :

.. Prajuru Desa :

1. Bendesa Adat Umbalan,

2. Pangliman,


I Wayan Natri.


I Nengah Riksa.



3. Penyarikan,

4. Patengen,


I Wayan Janji.


N. Degdeg.

II. Pinaka Sakei :


1. Kepala Desa Yangapi,

I Nomblos.


2. LKMD Desa Yangapi,

Pasek Sutisna.


3. 
Drs. Ida Bagus Ngurah Gede.

Bangli : 28 Januari 1993.

Reg. No. : 02 Tahun 1993.

MANGGALANING PAMIKUKUH
BUPATI DAERAH TINGKAT II BANGLI,

BAGUS GDE AGUNG LADIP, SH.